

¡BOMBA!

Notas cargan estridencia,
aunque son de mediciones;
a la baja las uniones,
pero sube la violencia...



K'uintsil

Martes 30 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2574 · www.lajornadamaya.mx



Oaxaca yéetel Yucatáne' yaan u múul kóojolo'ob Francia ti'al u chíikbesa'al México ich Fashion Week París

U ba'alche'ilo'ob yéetel wiinkilalo'ob ku siijil tu k'ab j-oaxacail boon Amador Montes, kóojolo'ob Galerie Bourbon, ichil u noj e'esajil Fashion Week París, le 30 ti' septiembrea'.

Boono'obe' tu yaajsaj u tuukul yucatánil xdisenadora Mora Ruiz, ti'al u beetik jump'eel túumben colección, jts'a'ab u k'aaba' beey Carmen, tu'ux táabkesa'an u p'eel vestidos. meyajta'ab tu talleresil yaan tu kaajil Jo'. Le je'ela' jump'eel meyaj núup ichil Ruiz, tumen ku jeel ts'iibtik u yóol u k'aay tuukul Montes. Chuuye' tu beetaj yóok'ol lino yéetel seda, ts'o'okole' ku kaxtik u chíimpoltik maaya, yucatánil yéetel libanesil ko'olel, beyxan ku much'ik ya'abach ja'abo'ob ti' u k'ajla'ayil le lu'uma'.

Beey túuno', Oaxaca yéetel Yucatáne' ku múul xímbalo'ob ti'al u k'uchulo'ob París, tu'ux keen u chíikbeso'ob México ti' jump'eel u asab k'a'anan e'esajil moda yaan ichil tuláakal yóok'ol kaab.

U meyaj Amador Montese' ku jupik máak ti' ba'ax jach jats'uts u yila'al, tu'ux u wiinkilal máake' ku jít'kubáaj yéetel ba'alche'ob; u chíiklul ko'olel yéetel ch'íiche' ma' chéen ku ye'esik wiinik yéetel ba'alche'i', ku ye'esiko'ob xan ba'ax yana yéetel ba'ax mina'an.

Ma' yáax juntéen u táakpajal Montes ti' modai'. U bonmaj uláak' ba'alo'ob ti'al pasarelas. U serieil "La pintura hecha mujer" patjo'olta'ab ti'al jump'eel e'esajil yanchaj Oaxaca. Ba'ale' yáax juntéen keen e'sa'ak boono'ob ti' uláak' táanxel lu'umil, úuchik u múul meyaj yéetel Mora Ruiz.

Ti'al le múul meyaj, yéeya'ab jayp'eel u meyaj Montes, le maas jach taak'al u yokol ichil le proyectoo'. Ti' túun jch'a'ab Gemelas, Aves de paz yéetel Carmen, u ts'ooka' leti'e' boon asab k'a'anano' tumen leti' ts'áak u k'aaba' le múuch' boono'obo'. Le múuch'o' yaan u ye'esal tu kaajil París, ts'o'oke' keen su'utuk Méxicoi' ma' ya'ab kun beetbil ti'al konbili'.

Octavio Olvera Hernández/ p 9
Boonil Amador Montes